

INUIT ATAQATIGIIT INATSISARTUNI



15.08.2025

UKA25/98

Inatsisartut Suleriaasianni § 36 malillugu apeqquteqaat aallaavigalugu oqallinnissamik imaattumik siunnersuuteqarpugut:

Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat 31.08. 2021-imeersup sukaterneqarsinnaaneraniq meeqqallu angerlarsimaffiup ulloq unnuarlu angerlarsimaffimmut inissinneqarsimasut atugaasa ukkatariaqarnerunissaat siunertaralugu apeqquteqaat aallaavigalugu oqallinnissamik siunnersuut.

(Inatsiartunut ilaasortat, Paarma Lund Kreutzmann, Iddimangiiu Bianco Jensen, Inuit Ataqatigiit)

Meeqqat angerlarsimaffiup avataanut inissinneqartartut amerliartorneri ajuusaarnartuuvooq, ullumikkut meeqqat angerlarsimaffiup avataanut inissinneqarsimasut 800-t missaaniipput. Tamanna killumut ineriartorneq ajuusaarnarpoq alianarlunilu.

Meeqqanut perorsaasussat tassaapput angajoqqaat, inuiaqatigiinnili angajoqqaat meeqqaminut perorsaasinnaangitsut amerlavallaarput, tamannattaarlu isumaqarpoq inuiaqatigiittut akisussaaffimmik tiguisariaqartugut.

Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat¹ sinaakkusiivoq meeqqat ulloq unnuarlu angerlarsimaffimmiittut qanoq atugaqartinneqartussaanerannik.

Inuit Ataqatigiit isumaqarpugut meeraq angajoqqaaminik avissaartinneqarsimasooq tarnikkut ikiorneqartussaasoq pisinnaatitaaffigigaalu. Nalunaarummi kapitali 1-mi §4-mi allassimavoq *“Meeqqanut ulloq unnuarlu paaqqinniffik perorsaanikkut, tarnip pissusaanik tunngasunut, tarnip nappaataanik tunngasunut imaluunniit ilaqtariinnut peqqissaanermik neqerooruteqarsinnaavoq.”*

Isumaqarpugut tamanna piumasaqaatinngortinneqartariaqartoq. Meeraq angajoqqaaminit avissaartinneqarsimasooq tarnikkut atukkani pillugit ikiorserneqartussaavoq.

Taama isumaqarpugut ernumaateqaratta. Meeqqat angerlarsimaffiup avataani inissinneqarsimasut ilaqartarmata cigarettitorusullutik aanngajaarniutinillu atuerusullutik atoqateqarnermikkut piumasatik piniartartunik. Tamanna qanoq pinaveersaartissinnaavarput? Misissuineq pisariaqartinneqarpa, taamaasilluni pisortat ulloq unnuarlu angerlarsimaffiini nakkutilliinermik suliaqartillugit meeqqat ulloq unnuarlu angerlarsimaffiini kinguaassiutigut atornerluisarneq pinaveersaartinneqarnerisooq

¹ https://nalunaarutit.gl/groenlandsk-lovgivning/2021/bkg-50-2021?sc_lang=kl-GL

misissuiffineqarsinnaanngorlugu. Meeqqat angerlarsimaffeqartariaqarput toqqissisimallutik inooqataaffigisinnaasaminnik.

Upperaarput inatsisinik sinaakkutaasunik sukaterinikkut pissutsinut taamaattunut akuersaannginnerput ersarissarsinnaallugu. Meeqqat ulloq unnuarlu angerlarsimaffii akisussaaffeqarput. Kissaangaarput oqallisigissallugu qanoq iliorluta inuiaqatigiittut pinaveersaartitseqataasinnaanerluta.

Qulakkeertariaqarparput siusissukkut iliuuseqarnikkut meeqqat avatangiisaasa toqqissisimanartuutinnissaat, meeqqat inuusuttullu inoqatiminnit pisortanillu killiminnik pisinnaatitaaffimminnullu qaangiiffigitinngikkunik unioqquitsiffigineqartarnet aningorniarlugu.

Neriuppunga oqallinnermi meqqat inuusuttullu illersorumallugit iliuusissanik saqqummertoqarumaartoq.